

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

Naalackersuisunut apeqqutit:

1. Naalackersuisut qanoq qulakkeerniarpaat, inuiaqatigiit tamatta akilikkatsinnik, angallannermi aaqqiiniansarinertik aamma SIK-mi ilaasortaanut pissakittunullu akitigut iluaqutaassasoq?
2. Assersuutigalugulu
 - a) Qaqortumiit Nuuliarneq
 - b) Qasigiannuaniit Ilulissanut
 - c) Qeqertarsuarmiit Ilulissanut
 - d) Tasiilamiit Nuummut

billetsit nalinnaasut (qorsuk) siumut utimullu massakut qanoq akeqarpat (tapiissutitaqanngitsumik/tapiissutitalimmillu)? Siunertarsilu tunngavigalugu aaqqiissagussi qanoq akikinnerutigilissappat?

(Inatsisartunut Ilaasortaq Per Rosing-Petersen, Attaviitsoq)

Tunngavilersuut:

Naalackersuisut angallannermi aaqqiiniansarinissinni tunngavigaarsi Ramboell-ikkut nalunaarussiaat: "Takornariartitsineq, mittarfiit ilusaasa allanngortinnerasigut ineriartorneq siuarsaanerlu". Taannalu massakut angallannerup isikkuaniiit akeqartitsinermilu aallaaveqarmat annertuumik apeqquuserneqartariaqarpoq,. Tamannali uani massakut samminianngilara.

Taamaattorli inuiaqatigiisugut maani nunatsinni miliarterpaaluit nalinganik mittarfiliortitsiniarnissinnik akiligassinneqarnitta kingunissaat, inuusunut akilersorneqarnera sunniuteqartussaassooq avaqqunneqarsinnaanngitsoq tamatta nalunngilarput. Allatut oqaatigalugu, innuttaasugut tamaavitta Siorapalummuiugutta Kapisilimmiuugutta Upernavimmiuuguutta sumiuugaluaruttaluunniit pinngittoqarata akilersueqataasussaavugut, akilersugarpulli tamatsinnut iluaqutaassava?

Nalunaarusiap qulequtaannataluunniit ersersereerpaa, innuttaasut akikillisaavigineqarnissaat uani siunertaanngitsoq. Aasaq SIK-p aaqqissugaani Qassimiuaarnermi Air Greenlandip pisortaanerata toqqaannartumik aperininni ersarissumik aamma akisoq, nunatta iluani angallannermut mittarfiliortitsiniarneri akitigut apparsaanermik kinguneqarnaviannngitsoq. Tamakkulu qaavatigut aamma nammineq pilersitassi Kalaallit Airport A/S pilersaarutissi akilersinnaassusianut qanittukut apeqquusiivoq.

Upperilluinnaraluarakkuli uagut qinikkatut sulisut inuiaqatigiit amerlanerussuteqarluinnartuisa atugarissaarnerulernissaa siunertaralugu sulisussaangaluartugut, tamannalu aallaavigilluinnarlugu aamma angallannermi aaqqissuusseqinnermi tunngavigisariaqarluinnaraluaripput, apeqquteqarninnut tunngaviupput.

Kissaatigaara apeqqutikka, suleriaaserput malillugu, ullut qulit iluanni akineqassasut.